

楚

寶

楚寶卷二十八

明 梁谿高世泰彙旃父鑒定

湘潭後學周聖楷輯纂

黃岡馮雲路較訂

真隱

善卷

善卷者楚人舜以天下讓之卷曰子立宇宙之中冬  
衣皮毛夏衣絺葛日出而作日入而息逍遙天地之  
間而心意自得何以天下爲哉遂入深山莫知其所

終

劉禹錫善卷壇下作曰先生見堯心相與去九有斯民既以治我得安林藪道爲自然貴名是無窮壽瑤臺在此山識者嘗回首

### 善卷壇考

按常德武陵縣東南十五里枉山今名德山舊名善德山隋刺史樊子蓋以堯時隱者善卷居此故名卽所謂善卷壇也又考楚志善卷墓在辰溪西南二里龜山上

桃花源隱者

桃花源隱者秦時人也避亂隱武陵山中陶靖節記  
曰晉太元中武陵人捕魚爲業緣溪行忘路之遠近  
忽逢桃花林夾岸數百步中無雜樹芳草鮮美落英  
繽紛漁人甚異之復前行欲窮其林林盡水源便得  
一山山有小口髣髴若有光便捨船從口入初極狹  
纔通人復行數十步豁然開朗土地平曠屋舍儼然  
有良田美池桑竹之屬阡陌交通雞犬相聞其中往  
來種作男女衣著悉如外人黃髮垂髻並怡然自樂

見漁人乃大驚問所從來具答之便要還家設酒殺雞作食村中聞有此人咸來問訊自云先世避秦時配率妻子邑人來此絕境不復出焉遂與外人間隔問今是何世乃不知有漢無論魏晉此人一一爲具言所聞皆歎惋餘人各復延至其家皆出酒食停數日辭去此中人語云不足爲外人道也旣出得其船便扶向路處處誌之及羣下詣太守說如此太守卽遣人隨其往尋向所誌遂迷不復得路南陽劉子驥高尚士也聞之欣然親往未果尋病終後遂無問津

者、羸氏配天紀、賢者避其世、黃綺之商山、伊人亦云  
逝、往迹浸復湮、來逕遂蕪廢、相命肆農耕、日入從所  
憩、桑竹垂餘蔭、菽稷隨時藝、春蠶取長絲、秋熟靡王  
稅、荒路、腰、交、通、鷄、犬、互、鳴、吠、俎、豆、猶、古、法、衣、裳、無、新  
製、童、孺、縱、行、歌、班、白、歡、游、詣、草、榮、識、節、和、木、衰、知、風  
厲、雖、無、紀、曆、誌、四、時、自、成、歲、怡、然、有、餘、樂、于、何、勞、智  
慧、奇、蹤、隱、五、百、一、朝、故、神、界、淳、薄、既、異、源、旋、復、還、幽  
蔽、借、問、游、方、士、焉、測、塵、囂、外、願、言、躡、輕、風、高、舉、尋、吾  
獎

蘇東坡曰世傳桃源事多過其實考淵明所記止  
言先世避秦亂來此則漁人所見似是其子孫非  
秦人不死者也又云殺鷄作食豈有仙而殺者乎  
舊說南陽有菊水水甘而芳居民三十餘家飲其  
水皆壽至百餘歲蜀青城山老人村有五世孫者  
道極險遠生不識鹽醢而溪中多枸杞根如龍蛇  
飲其水故壽近歲稍通漸能致五味而壽益衰桃  
源蓋此比也使武陵太守得至焉則已化爲秦  
之場久矣常意天壤間若此者甚衆不獨桃源

漢陰丈人

漢陰丈人不知其姓氏。子貢南遊于楚，過漢陰，見一丈人方將爲圃。畦鑿隧而入，井抱甕而出，澆揭揭然用力甚多而見功寡。子貢曰：「有機於此。」一日浸百畦，用力甚寡而見功多。夫子不欲乎？爲圃者仰而視之曰：「奈何？」曰：「鑿木爲機，後重前輕，挈水若抽，數如沝湯。其名爲橈，爲圃者忿然作色而笑曰：「吾聞之，吾師有機械者，必有機事；有機事者，必有機心。機心存於胸中，則純白不備；純白不備，則神生不定；道之所不載。」



也。否。非。不。知。羞。而。不。爲。也。子。往。矣。無。乏。吾。事。

聖楷曰按漢陰在今漢中府漢陰縣境周爲庸國地春秋戰國屬楚其源出于西和州徽外徑階沔與嘉陵水合又徑大安利劍果合與涪水合入于江俗謂之西漢非岷冢之水由均襄郢而至漢陽入江者也又按漢陽亦有二如龐參傳任棠爲漢陽郡人乃今鞏昌府所屬秦州其地漢置天水郡治平襄東漢改漢陽郡治冀非今之漢陽府也今漢陽府在兩漢時爲安陸縣地屬江夏郡自晉及

隋雖沿革不一併無漢陽之名至唐大業初始改漢津爲漢陽先輩廖鳴吾國之史臣也撰楚紀闡幽乃以任棠爲漢陽府人何南奔之甚

按麗參傳參爲漢陽太守羆人任棠者有奇節隱居教授參到先候之棠不與言但以薤一大本水一盃置戶屏前自抱孫兒伏于戶下至薄白以爲倨參思其微意良久曰棠是欲曉太守也水者欲吾清也拔大本薤者欲吾擊強宗也抱兒當戶欲吾開門恤孤也於是歎息而還事甚奇特併附錄

楚實

之

卷二十一

三

漢陰老父

漢陰老父者不知何許人桓帝延熹中幸章陵過雲夢臨沔水百姓莫不覩者有老父獨耕不輟尚書郎南陽張溫異之使問曰人皆來覩老父獨不輟何也老父笑而不對溫下道百步自與言老父曰我野人耳不達斯語請問天下亂而立天子耶理而立天子耶立天子以父天下耶役天下以奉天子耶昔聖王宰世茅茨采椽而萬人以寧今子之君勞人自縱逸游無忌吝爲子羞之何忍欲人觀之手溫大慙問其

姓名不告而去

聖楷曰此漢陰却是沔漢之陰在均襄間者桓帝紀云庚申幸章陵祠舊宅遂有事于園廟幸雲夢臨漢水還幸新野新野屬南陽亦光武避吏之地也退時公卿黃臧車騎萬計徵求費役不可勝極觀老父對張溫數語便知范史依斟流彘之論殆非已甚

龐公

龐公者南郡襄陽人也居峴山之南未嘗入城府夫妻相敬如賓荊州刺史劉表數延請不能屈乃就候之曰夫保全一身孰若保全天下乎龐公笑曰鴻鵠巢於高林之上幕而得所栖黿鼉穴於深淵之下夕而得所宿夫趣舍行止亦人之巢穴也且各得其栖宿而已天下非所保也因釋耕於壟上而妻子耘於前表指而問曰先生苦居畎畝而不肯官祿後世何以遺子孫乎龐公曰世人皆遺之以危今獨遺之以

安雖所遺不同未爲無所遺也。表歎息而去。後遂攜其妻子登鹿門山。因采藥不返。

襄陽記曰。諸葛孔明每至德公家。獨拜牀下。德公初不令止。司馬德操嘗詣德公。值其渡沔。上先人墓。德操竟入其室。呼德公妻子。使速作黍。徐元直向云。當來就我。與德公談其妻子。皆羅拜於堂下。奔走共設。須臾德公還。直入相就。不知何者是客也。德操年小。德公十歲。兄事之。呼作龐公。故俗人遂謂龐公是德公。名非也。德公子字山人。亦有令

名娶諸葛孔明姊爲魏黃門吏部郎子渙晉太康  
中爲睢州太守去官歸鄉居白沙里鄉人宗敬之  
相語曰我家池中龍種來里中化其德讓少壯皆  
代老者擔云

水經注曰襄陽城東有東白沙白沙北有三洲其  
一魚梁洲龐德公所居士元居漢之陰在南白沙  
世故謂是地爲白沙曲矣司馬德操宅洲之陽望  
衡對宇歡情自接泛舟褰裳率爾休暢豈待還桂  
柁於千里貢深心於永思哉



鹿門山考

聖楷按鹿門山在襄陽縣東三十里舊名蘇嶺襄陽耆舊傳曰習郁爲侍中時從光武幸黎丘與帝通夢見蘇山神光武嘉之拜大鴻臚錄其前後功封襄陽侯使立蘇嶺祠刻二石鹿夾神道百姓謂之鹿門或呼蘇嶺山爲鹿門山後遂相仍云

伍朝

伍朝字世明、武陵漢壽人也、少有雅操、閑居樂道、不修世事、性好學、以博士徵、不就、刺史劉弘薦朝爲零陵太守、王者以非選、例不聽、尚書郎胡濟奏曰、臣以爲當今資喪亂之餘、運承百王之遺弊、進趨者乘國故、以僥倖守道者懷縕匱、以終身故、令敦棄之化虧、退讓之風薄、按朝心游物外、不屑時務、守靜衡門、志遁日新、年過耳順、而所尚無虧、誠江南之奇才、丘園之逸老也、不加飾進、何以勸善、且白衣爲羈、前漢有

舊、安、聽、光、顯、以、翼、風、尚、奏、可、而、朝、不、就、終、于、家、  
聖、楷、按、楚、志、武、陵、縣、東、北、九、十、里、有、學、書、池、乃、晉、  
高、士、伍、朝、別、墅、也、其、池、水、色、微、黑、故、名、

孟陋

孟陋字少孤武昌人兄嘉桓溫征西長史陋少而貞立清操絕倫布衣蔬食以文籍自娛口不及世事未嘗交游時或弋釣孤興獨往雖家人亦不知其所之也喪母毀瘠殆於滅性不飲酒食肉十有餘年親族迭勸謂之然後從吉簡文帝輔政命爲參軍稱疾不起桓溫躬往造焉或謂溫曰孟陋高行學爲儒宗安引在府以和鼎味溫歎曰會稽王尚不能屈非敢擬議也陋聞之曰桓公正以我不往故耳億兆之人無

焚寶

官者十居其九。豈皆高士哉。我疾病不堪。恭和王之命。非敢爲高也。山是名稱。益重博學多通。長於三禮。註論語行于世。卒以壽終。

劉義慶新語曰。孟萬年及弟少孤。居武昌陽新縣。萬年遊宦有盛名。當世少孤未嘗出京邑。人士思欲見之。乃遣信報少孤云。兄病篤。狼狽至都。時賢見之者。莫不嗟重。因相謂曰。少孤如此。萬年可死。

郭翻

郭翻字長翔武昌人也伯父訥廣州刺史父察安城太守翻少有志操辟州郡辟及賢良之舉家於臨川不交世事惟以漁釣射獵爲娛居貧無業欲墾荒田先立表題經年無主然後乃作稻將熟有認之者悉推與之縣令聞而詰之以祐還翻翻不受特以車獵去家有餘里道中逢病人以車送之徒步而歸其漁獵所得或從買者使與之而不取直亦不告姓名由是士庶咸敬貴焉與翟湯俱爲庾亮所薦公車博

士微不就咸康末乘小船颺颺武昌省墳墓安西將  
軍庾翼以帝舅之重躬往造翻欲強起之翻曰人性  
各有所短焉可強逼翼又以其船小狹欲引就大船  
翻曰使君不以鄙賤而辱臨之此固野人之舟也翼  
俯屈入其船中終日而去嘗墜刀於水路人有爲取  
者因與之路人不取固辭翻曰爾向不取我豈能得  
路人曰我若取此將爲天地鬼神所責矣翻知其終  
不受復沉刀於水路人悵焉乃復沈沒取之翻於是  
不撻其意乃以十倍刀價與之其廉不受惠皆此類

也卒于家

聖楷按翟湯字道淵尋陽人篤行任素義讓廉潔饋贈一無所受值亂多寇聞湯名德皆不敢犯尋陽記曰初庾亮臨江州聞翟湯之風來帶蹣屣而詣焉亮禮甚恭湯曰使君直敬其枯木朽株耳亮稱其能言表薦之不赴其子莊字祖休少以孝友著名遵湯之操不交人物惟以弋釣爲事及長不復獵或問漁獵同是害生之事而先生止去其一何哉莊曰獵白我釣自物未能頓盡故先節其甚



者人以為知言晚節亦不復釣端若革門歆菽飲  
水州府禮命及公車徵並不就

龔玄之

龔玄之字道玄，武陵漢壽人。好學潛默，安於陋巷。州舉秀才，公府辟不就。孝武帝下詔曰：「夫哲王御世，必搜揚幽隱，故空谷流縈，維之詠丘園；旅束帛之觀，譙國戴逵、武陵龔玄之並高尙其操，依仁游藝，潔已貞鮮。學弘儒業，朕虛懷久矣。二三君子，豈其戢賢於懷抱哉？」思挹雅言，希承諷議，可並以爲散騎常侍，領國子博士，旨下所在，備禮發遣，不得循嘗以稽側席之望。魏縣敦逼苦辭，疾篤不行。弟子元嘉亦有德操，高

尚不仕。孝武帝以太學博士、散騎侍郎、給事中、累徵不起。卒于家。

聖楷按戴逵字安道，黠國人。總角時，以鷄卵汁澆白瓦屑作鄭玄碑，又爲文而自鐫之，詞麗器妙。時人莫不驚歎。性不樂當世，嘗以琴書自娛。太宰武陵王晞聞其善鼓琴，使人召之。逵對使者破琴曰：戴安道不爲王門伶人。孝武帝時，與龔玄之同徵。魏縣敦逼不已，乃逃於吳。

被苦野老

被苦野老，郢人也。宋衡陽王義季代臨川王義慶都督荆湘八州事，嘗春月出獵于郢，有老人被苦而耕，左右斥之。老人曰：「般于遊畋，古人所戒。方今陽和布氣，播厥之始，一日不耕，民失其時，奈何！以從禽之樂而驅斥老夫，非勸農也。」義季止馬曰：「賢者也。」命賜之食。老人辭曰：「苟不奪時，則境內之民皆飽。」大王之食老夫，何敢獨受其賜乎？」義季問其名，不告而退。聖楷曰：漢陰老父，語傲而慈，其殆憤世而逃者歟。

此老○却○統○似○是○用○世○人○然○皆○夷○穆○而○近○道○遯○世○而○  
晦○名○潛○飛○弋○慕○故○知○非○其○倫○匹○也○

宗炳

宗炳字少文其先南陽涅陽人也祖承宣都太守遂家江陵父繇之湘鄉令母同秬師氏聰辯有學義教授諸子炳居喪過禮爲鄉閭所稱刺史殷仲堪桓玄並辟至簿舉秀才不就宋高祖領荊州辟炳爲主簿不起問其故答曰棲丘飲谷三十餘年高祖善其對而止炳妙善琴書精於言理每游山水往輒忘歸征西長史王敬弘每從之未嘗不彌日也乃下入廬山就釋慧遠考詳文義兄臧爲南平太守逼與俱還乃

於江陵三湖立宅閑居無事高祖召爲太尉參軍不就二兄蚤卒孤累甚多家貧無以相贍頗營稼穡人有餽饋並受之高祖勅南昶長給吏役又數致餼資其後子弟從祿乃悉不復受元嘉初又徵通直郎東宮建徵爲太子中舍人庶子並不應妻羅氏亦有高情與炳協趣羅氏沒炳哀之過甚旣而輒哭尋理悲情頓釋謂沙門釋慧堅曰死生之分未易可達三復至教方能遣哀衡陽王義季在荊州親至炳室與之歡讌命爲咨議參軍不起好山水愛遠遊西陟荆巫

南登衡嶽，因而結宇。衡山欲懷尚平之志，有疾還江陵。歎曰：「老疾俱至，名山恐難徧觀。」唯常澄懷觀道，臥以游之。凡所游履，皆圖之於室。謂人曰：「撫琴動操，欲令震山皆響。古有金石弄，爲諸桓所重。桓氏亡，其聲遂絕。」唯炳傳焉。太祖遣樂師楊覲就炳受之。元嘉二十年，炳卒。時年六十九。衡陽王義季與司徒江夏王義恭書曰：「宗居士不救所病，其清履肥素終始可嘉。爲之惻愴，不能已已。」子朔，南譙王。義宣車騎參軍次綺江。江夏王義恭司空主簿次昭，郢州治中。次說，正員



郎炳外弟師覺授亦有素業以琴書自娛不就微辟  
宗炳自爲畫山水序曰聖人含道應物賢者澄懷  
味象至於山水質有而趣靈是以軒轅堯孔廣成  
大塊許由孤竹之流必有崆峒具茨藐姑箕首大  
蒙之遊焉又稱仁智之樂焉夫聖人以神法道而  
賢者通山水以形媚道而仁者樂不亦幾乎余奉  
戀廬衡契濶荆巫不知老之將至愧不能凝氣怡  
身傷跼石門之流於是畫象布色構茲雲嶺夫理  
絕於中古之上者可意求於千載之下旨微於言

象之外者。可心取於書策之內。况乎身所盤桓。目  
所綯繆。以形寫形。以色貌色也。且夫崑崙山之太  
嶧。子之小迫目以寸。則其形莫覩。迴以數里。則可  
圍於寸眸。誠由去之稍濶。則其見彌小。今張綯索  
以遠映。則崑崙之形。可圍於方寸之內。豎劃三寸  
當千仞之高。橫墨數尺。體百里之迴。是以觀畫圖  
者。徒患類之不巧。不以制小而累其似。此自然之  
勢。如是則蒿筆之秀。玄牝之霧。皆可得之於一圖  
矣。夫以應目會心爲理者。類之成巧。則目亦同應。

心亦俱會應會感神神超理得雖復虛求幽巖何  
以加焉又神本無端栖形感類理入影迹誠能妙  
寫亦誠盡矣於是閒居理氣拂觴鳴琴披圖幽對  
坐光四荒不違天勵之藎獨應無人之野峯岫堯  
嶷雲林森渺聖賢映於絕代萬趣融其神思余復  
何爲哉暢神而已神之所暢孰有先焉

宗彧之

宗彧之字叔粲。炳從父弟也。蚤孤。事兄恭謹。家貧。好學。雖文義不逮炳。而真澹過之。州辟主簿。舉秀才。不就。公私餽遺。一無所受。宋高祖受禪。徵著作佐郎。不至。元嘉初。大使陸子真觀采風俗。三詣彧之。每辭疾。不見也。告人曰。我布衣草萊之人。少長壟畝。何枉軒冕之客。子真還表薦之。徵買外散騎侍郎。又不就。元嘉八年卒。

聖楷曰。衡陽王義季嘗欲肩宗炳以重祿。炳曰。祿

如○腐○草○盛○衰○幾○何○然○而○不○禁○子○弟○之○從○祿○豈○其○中○  
猶○有○未○忘○者○歟○宋○書○謂○武○之○文○義○雖○不○及○炳○而○真○  
澹○過○之○此○便○知○門○內○之○情○有○徑○庭○之○別○矣○

劉凝之

劉凝之字志安小名長年南郡枝江人也父期公衡陽太守兄盛公高尚不仕凝之慕老萊嚴子陵爲人推家財與弟及兄子立屋於野外非其力不食州里重其德行州三禮辟西曹主簿舉秀才不就妻梁州刺史郭銓女也遣送豐麗凝之悉散之親屬妻亦能不慕榮華與凝之共安儉苦夫妻共乘薄作蒲筍車出市貿易周用之外輒以施人爲村里所誣一年三輸公調求輒與之有人嘗認其所著屐笑曰僕著之

已敗今家中覓新者傅君也此人後田中得所失展  
送還之不肯復取元嘉初徵爲秘書郎不就臨川王  
義慶衡陽王義季鎮江陵並遣使存問疑之答書頓  
首稱僕不修民禮人或譏焉疑之曰昔老萊向楚王  
稱僕嚴陵亦抗禮光武未聞巢許稱臣堯舜時戴顓  
與衡陽王義季書亦稱僕荊州年饑義季慮疑之餽  
斂餉錢十萬疑之大喜將錢至市門視有饑色者悉  
分與之俄頃立盡性好山水一旦攜妻子泛江湖隱  
居衡山之陽登高嶺絕人迹爲小屋居之采藥服食

妻子皆從其志元嘉二十五年卒年五十九

庾仲雍荊州記曰劉盛公枝江人桓司空臨州與上佐遊于霽溪盛公詣市還着練帽布裙以杖荷展與桓司空語語畢負荷而去

蘇東坡曰梁史劉凝之爲人認所著屐卽與之此人後得所失屐送還不肯復取又沈士麟亦爲鄰人認所著屐士麟笑曰是卿屐耶卽與之鄰人得所失屐送還士麟曰非卿屐卽笑而受之此雖小事當如士麟不當如凝之也



龔祈

龔祈字孟道，武陵漢壽人。從祖玄之，父黎，人並不應徵。辟祈年十四，鄉黨舉爲州迎西曹，不行。謝晦臨州命爲主簿。彭城王義康舉秀才，除奉朝請。臨川王義慶平西參軍，皆不就。風姿端雅，容止可觀。中書郎范述見之，歎曰：「此荆楚仙人也。」衡陽王義季臨荆州，發教以祈及劉凝之、師覺授，不應徵。召辟其三子，祈又徵太子舍人，不起。時或賦詩，言不及世事。元嘉十七年卒，時年四十二。

聖楷曰獨往之人者負介姓高尙之士多在幕  
若所以垂髻而卽放情江海取逸丘樊卽三世幽  
貞未有過也况賦詩不及時事又何其善于處濁  
世哉乃日月之車遽爾折軸豈碧澗清潭亦復爲  
造物所忌耶

郭希林

郭希林武昌人也。曾祖翻，晉世高尙，不仕。希林少守家業，徵州主簿、秀才、衛參軍，並不就。元嘉初，吏部尙書王敬弘舉王弘之爲太子庶子，希林爲著作佐郎。後又徵員外散騎侍郎，並不就。十年卒。時年四十七。子蒙亦隱居，不仕。泰始中，郢州刺史蔡興宗辟爲主簿，不就。

王弘之傳曰：從兄王敬弘爲吏部尙書，奏前員外散騎常侍琅邪王弘之恬漠丘園，放心居逸，前衛

將軍參軍武昌郭希林素履純潔嗣徽前武並掣  
壤聖朝未蒙表飾空加旌聘資于丘園

聖帝按王弘之曾爲琅琊王中軍參軍遷司徒主  
簿家貧而性好山水求爲烏程令諱以病薨後累  
徵不就郭希林未受一命而亦以前官稱何也此  
必有誤

劉蚪

劉蚪字霽預南陽涅陽人也舊族徙居江陵蚪少而抗節好學須得祿便隱宋太始中仕至晉平王驃騎記室當陽令罷官歸家靜處嘗服鹿皮衿斷穀餌木及胡麻建元初豫章王爲荊州教辟蚪爲別駕與同視宗測新野庾易並遣書禮請蚪等各修牋答而不應辟命永明三年刺史廬陵王子卿表蚪及同視宗測宗尙之庾易劉昭五人請加蒲車束帛之命詔徵爲通直郎不就竟陵王子良致書通意蚪答曰蚪四

節臥病三時營灌暢餘陰於山澤託暮情於魚鳥寧  
非唐虞重恩周邵宏施蚪進不研機入玄無漆泗稷  
館之辯退不凝心出累非冢間楸下之節遠澤旣漉  
仁規先著謹收樵牧之嫌敬加軼器之義蚪精信釋  
氏衣籠布衣禮佛長齋注法華經白誦佛義以江陵  
西沙洲去入遠乃徙居之建武二年詔徵國子博士  
不就其冬蚪病正晝有白雲徘徊檐戶之內又有香  
氣及磬聲其日卒年五十八劉昭與蚪同宗州辟祭  
酒從事不就隱居山中

竟陵王子良與南魏太守劉景純書去冬因君與  
劉居士書今春得其返价辭趣翩翩足有才藻實  
子雲之筆札元瑜之書記仲復咨嗟彌用欽想此  
子舍真抱璞比調雲霞背俗居幽寓歛林淑養忘  
南荆可與下寶爭價韜光梵服固同隨炤共明雖  
顏段之栖遲偃仰楊鄭之寂寞恬淡取之若入信  
可同日而語矣且道性天悠禪心自謚敦悅九部  
研味三乘在家菩薩行之而不難白衣居士即之  
而方易逝將燭昏靈於慧炬拯淪溺於法橋扇露

嘯之習風鏡貞林之絕影僕栖尚阮同情契彌至  
而悠悠京苑間以江山假復神通達邇冥交曉曙  
疇得寫析深襟辨明幽旨迹生滅之中談究真俗  
之諦義故重有別書招來畿邑居問道之次具爲  
敦請此蘭山桂水旣足逍遙儒侶玄宗復多叨往  
非以一爵相加豈其旌蒲爲分直闢投誠素庶必  
能玄了脫悠爾來儀想特加資遣也  
梁裴子野剡剡碑曰受川嶽之英靈有清明之淑  
性澹乎若深泉之靜皜乎若寒霜之潔千仞不足



議其高萬頃不足傳其量在其幼也孝敬淳深貧  
乎幽顯廬乎墓所而羣獸去之墟里賴焉樵蘇無  
犯及其長也捧檄動容薄遊下邑甘露零於豐草  
蒲密至於時雍有以見賢人之行動天地感鬼神  
疾乎影響如斯之美者矣夫聲名藉甚羣公倒席  
鑿室林泉而流傍隴咫尺荆衡表裏巫夢樹蔥滋  
蘭蕪沒庭戶平疇翠激千里極目信物外之神區  
幽居之勝境昔許子將謂太丘道廣廣則不周仲  
舉性峻峻則少納峻而納廣而周君於二陳折其

中矣其所修孔氏之學則儒者師之所明釋氏之  
教則淨行傳之所著文集則辭人錄之銘曰福源  
江漢寶紀南國篤生君子高明柔克我哉其道巍  
巍其德曰仁曰義惟民惟則築室皇壤考繫郭郭  
坐臥山樊嘯歌林薄親致甘旨躬餐上藥優哉游  
哉且以行樂九丘八索百家羣史西河疑聖華陰  
成市悠哉荆夢遯矣江濱輜輶結轍羔鴈成羣監  
觀令範式如金玉君之徽猷誰其與屬購客故老  
遵揚寶錄

庾易

庾易字幼簡其先新野人徙居江陵祖政巴郡太守父道驥安西將軍易志性恬隱不交外物建元元年刺史豫章王辟爲驃騎參軍不就臨川王映臨州獨重易表薦之餉麥百斛易謂使人曰民樵採麋鹿之伍終歲鮮毛之衣馳騁日月之車得保自耕之祿於大王之恩亦已深矣辭不受永明三年詔徵太子舍人不就以文義自樂安西長史袁彖欽其風通書致遺易以連理几竹翹書格報之建武二年詔復徵爲

司徒王簿不就卒

聖朝按南史安西長史袁象贈易以鹿角書格蚌  
盤蚌研白象牙筆并贈詩云白日清明青雲遠亮  
皆聞集詐今觀高尚故易報之如此蕭子顯高逸  
傳不載似畧

宗測

宗測字敬微一字茂深宋徵士炳孫也世居江陵測少靜退不樂人間歎曰家貧親老不擇官而仕先哲以爲美談余竊有感誠不能潛感地金冥致江鱸但當用天道分地利孰能食人厚祿憂人重事乎州舉秀才主簿不就驪騎豫章王徵爲參軍測答府召云何爲謬傷海鳥橫斤山木母喪身負土植松柏豫章王復遣書請之辟爲參軍測答曰性同鱗羽愛止山壑春戀松筠輕迷人路縱宕最流有若狂者忽不知

老○至○而○今○鬢○已○白○堂○容○課○虛○責○有○限○魚○慕○鳥○哉○永○明○  
三○年○詔○徵○太○子○舍○人○不○就○欲○遊○名○山○乃○寫○祖○炳○所○書○  
尚○平○圖○於○壁○上○測○畏○子○賓○官○在○京○師○知○父○此○青○便○求○  
祿○養○還○爲○南○樞○丞○付○以○家○事○刺○史○安○陸○王○子○敬○長○史○  
劉○寬○以○下○皆○贈○送○之○測○無○所○受○齋○老○子○莊○子○二○書○自○  
隨○子○孫○拜○辭○悲○泣○測○長○嘯○不○視○遂○往○廬○山○止○祖○炳○舊○  
宅○魚○復○侯○子○響○爲○江○州○厚○遣○贈○遺○測○曰○少○有○狂○疾○尋○  
山○採○藥○遠○來○至○此○量○腹○而○進○松○朮○瘦○形○而○衣○薜○蘿○淡○  
然○已○足○豈○容○當○此○橫○施○子○響○命○駕○造○之○測○避○不○見○後○

子響不告而來奄至所任測不得已巾褐對之竟不  
交言子響不悅而退侍中王秀之彌所欽慕乃令陸  
探微畫其形與已相對又貽書曰昔人有圖書僑札  
輕以自方耳尚書令王儉亦雅重之贈以蒲褥笥席  
頃之測送弟喪還西仍留舊宅永業寺絕賓友唯與  
同志庾易劉蚪宗人尚之等往來講說刺史隨王子  
隆至鎮遣別駕宗哲致勞問測笑曰貴賤理隔何以  
及此竟不答建武二年徵爲司徒主簿不就卒測善  
畫自圖阮籍遇蘇門於行障上坐臥對之又畫永業

寺佛影臺皆爲妙作頗好音律善易老續皇甫謐高  
士傳三卷又嘗遊衡山七嶺著衡山廬山記尚之字  
敬文亦好山澤與劉蚪俱以驃騎記室不仕宋末刺  
史武陵王辟贊府豫章王辟別駕並不就永明中與  
劉蚪同徵爲通直郎和帝中興初又徵爲諮議並不  
就壽終

唐馮贇記事珠曰宗測奉遊山谷見奇花異草則  
係于帶上繡而圖其形狀名聚芳圖百花帶人多  
效之



黃庭堅書小宗香曰南陽宗少文嘉遯江湖之間  
援琴作金石弄遠山皆與之同聲其文獻尾以配  
古人孫茂深亦有祖風當時貴人欲與之游不得  
乃使陸探微畫像掛壁觀之聞茂深閉閣焚香作  
此香饋之時謂少文大宗茂深小宗故傳小宗香  
云

聖楷曰嘗疑宗茂深待魚復侯爲已甚及聞武十  
七王列傳魚復侯子響勇力絕人關弓四斛力數  
在園池中帖騎馳走竹櫺下身無虧傷鎮荊州日

所爲多不法率以謀叛伏誅乃知高士非好爲絕  
人之行交際嫌疑固不可以昧昧也

洞庭老父

洞庭老父不知何許人，卓彥恭嘗遇洞庭月下，有小  
漁舟過其傍，因呼問有魚否，應曰無魚。有詩題，喜曰  
願聞一篇可乎？老人鼓枻徐去，高吟一絕云：八十滄  
浪一老翁，蘆花江上水連空。世間多少乘除事，良夜  
月明收釣筒。欲邀致之，不可得矣。

聖哲曰：君山父老，閑吟云：湘中老人讀黃老，手按  
紫籥坐碧草。春至不知湖水深，日暮忘却巴陵道。  
此猶是遁世高蹈語。若世間多少乘除事，良夜月

明收釣筒。便將出世。用世入熱心。冷眼一齊。喚醒。然不讀黃老。亦不知此語之妙。洞庭之上。君山之阿。伊何人哉。

唐節

唐節零陵人嘗爲瀧水令去官家於瀧下三十里自  
號丹崖翁丹崖湘中水石之異者翁湘中得道之逸  
者元次山愛其水石爲作宅銘曰瀧山未盡瀧水猶  
峻忽見淵洄丹崖千仞礚礚丹崖其下誰家門前斷  
船籬上釣車不知幾筆爲其四塘竹幽石磴泉飛戶  
中惟石臨淵礚礚石巔何得石巔翁獨醉眠吾欲與  
翁東西茅宇飲啄終老翁亦悅許世俗營事阻人心  
情徘徊崖下遂刻此銘

聖楷按丹崖翁宅在零陵縣南百里其崖石色如  
丹唐永泰中元結刺道州路出崖下見節甚重之  
因爲作銘

楚寶列女論次

喬木珮聲始于江漢蒼梧煙色半是瀟湘是以錯薪  
刈楚游女鮮求蕙帶荷衣美人多怨翠竹何情九點  
疑雲長是淚暮花欲落一川柳水不成流望鄧墟而  
思配誰招荆武之魂念樊塚以求賢莫辨王孫之樹  
乃有輕生豔質齒劍如飈薄命紅顏捐生靡顧或承  
巷閉而吳兵頓却或漸臺圯而使客不來或赤鳥夾  
日而踐附社之心或白璧及門而矢松楸之志或長  
沙南畔雙花萎雪或岳陽樓下五字流香豈非粹敵

審天借箸難再臨危許死隔代相望手至若負戴相  
隨于泉石縞綦不羨夫雲茶解毛遺粒之貞風却鮪  
種橘之峻節何止栖隱偕老實有明哲兼勸者矣又  
若盛年悔不青樓晚烈偏高彤管草迷青冢胡漢何  
分烽起黑狼雌雄遂混揮金愧馬誓死殉秦憐才念  
舊代有逸女斯亦蛾眉之奇績南國之香荃也君子  
痛其遭遇不齊國史表其徽美則一故倂採綴焉惟  
夫淫如夏姬妬若鄭袖是名妖蠱汙我佳麗姑存牋  
注之末以爲好色者戒云撰列女第十七凡一卷



列女一

鄧曼

息嬀

樊姬

北郭先生婦

伯羸

貞姜

越姬

季芊

老萊子妻

接輿妻

白貞姬

子癸母

女嬃

王昭君

李衡妻

尹虞二女

丁貴嬪

衛敬瑜妻

木蘭

瑞卿

義娟

韓希孟

徐君寶妻

趙淮妾

楚寶

天  
子  
女  
子

三

曹

氏

趙孝婦

楚寶列女論次終

楚寶卷二十九

明 紹齡高世泰彙旃父鑒定

湘潭後學周聖楷輯纂

長沙莊天柱較訂

列女

鄧曼

鄧曼楚武王夫人也、鄧國之女、曼姓、武王四十二年、  
命屈瑕伐羅、蘭伯比送之、還謂其御曰、莫敖必敗、舉  
趾高心不固矣、遂見王曰、必濟師、王辭焉、入告夫人、

鄧曼、鄧曼曰：大夫其非衆之謂其謂君撫小民以信、訓諸司以德而威莫敖以刑也。莫敖狃於蒲騷之役、將自用也。必小羅君若不鎮撫其不設借乎大國、謂君訓衆而好鎮撫之。召諸司而勸之以令德、見莫敖而告諸天之不假易也。不然夫豈不知楚師之盡行也。王使賴人進之不及莫敖果大敗、縊于荒谷。群帥囚于冶父以聽刑。王曰：孤之罪也。皆免之。五十一年三月、武王荆尹授師子焉。以伐隨。將奔入告夫入。鄧曼曰：余心蕩。鄧曼歎曰：王祿盡矣。盈而蕩、天之道也。

先○若○其○知○之○矣○故○臨○武○事○將○發○大○命○而○蕩○王○心○焉○若○  
帥○徒○無○虧○王○薨○於○行○國○之○福○也○王○遂○行○卒○于○蒲○木○之○  
下○令○尹○闕○祈○莫○教○屈○重○除○道○梁○溱○營○軍○臨○隨○隨○人○懼○  
行○成○莫○教○以○王○命○入○盟○隨○侯○且○請○爲○會○於○漢○汭○而○還○  
濟○漢○而○後○發○喪○

左○貴○嬪○芬○贊○曰○天○道○惡○盈○極○數○則○微○邈○哉○鄧○曼○心○  
映○禍○機○觀○兆○歎○亾○考○德○知○衰○賢○智○卓○殊○邈○哉○難○追○  
鍾○伯○敬○史○懷○曰○鄧○曼○何○等○婦○人○也○天○人○理○數○出○其○  
口○中○蕩○王○心○三○字○靈○光○剡○剡○說○出○鬼○神○體○物○之○理○

又○曰○若○師○徒○無○虧○王○薨○于○行○國○之○福○也○此○社○稷○爲○  
重○君○爲○輕○之○說○已○先○孟○子○看○出○卓○然○高○識○  
聖○楷○曰○楚○武○王○熊○通○弑○蚡○胥○子○奪○其○位○又○初○周○室○  
以○求○尊○號○憑○凌○小○國○五○十○年○其○無○天○道○甚○矣○鄧○曼○  
從○旁○代○爲○悚○懼○若○惟○恐○不○終○厥○位○曰○告○諸○天○之○不○  
假○易○曰○盈○而○蕩○天○之○道○也○惘○然○如○鬼○神○相○向○卒○之○  
荒○谷○之○縊○構○木○之○薨○君○若○臣○一○如○所○料○此○豈○僅○僅○  
才○智○婦○人○所○能○及○哉○且○軍○旅○大○事○也○武○王○傑○主○也○  
每○事○輒○入○告○之○必○其○不○昔○令○德○有○折○服○之○者○矣○

息媯

息媯者楚文王之夫人也。初蔡哀侯娶于陳，息侯亦娶焉。息媯將歸，過蔡。蔡侯曰：「吾姨也。」止而見之。弗賓。息侯聞之，怒，使謂楚文王曰：「伐我，吾求救于蔡而伐之。」楚子從之。秋九月，敗蔡師于莘，以蔡侯獻舞歸。十年，蔡哀侯爲莘故，繩息媯以語。楚子、蔡子如息，以食入享，遂滅息。以息媯歸，生堵敖及成王焉。未言。楚子問之，對曰：「吾一婦人而事二夫，縱弗能死，其又奚言？」文王卒，令尹子元欲蠱文夫人，爲館于其宮側，而振

萬焉夫人聞之泣曰先君以是舞也習戎備也今令尹不尋諸仇讐而于未亡人之側不亦異乎御人以告子元子元曰婦人不忌讐讐我反忌之於是以車六百乘伐鄭

史懷曰楚子滅息以息嬀歸生堵敖及成王焉未言令尹子元欲蠱之而泣情辭俱屈可謂有至性有高識矣但欠息侯一死死之難也李陵之降虜也楊雄之爲莽大夫也息嬀哉

聖楷曰楚文王在位十五年卒十年以息嬀歸生



堵敖及成王而堵敖立三年卒成王立六年皆幼  
穉令尹子元欲盡文夫人此定是息嬀無疑也蓋  
息嬀入楚前後止得十四年色尙未衰故令尹盡  
之左傳又曰楚公子元驪自伐鄭而處王宮鬬射  
師諫則執而梏之不知此時息夫人在何處大抵  
息嬀之不言與泣同一機巧尤物惑人喪身亡國  
至死不悟此足戒也王維息夫人詩曰莫以令時  
寵能忘舊日恩看花滿眼淚不共楚王言註解唐  
詩者引列女傳其事近理乃後人僞撰非劉向書

也。常從左氏爲正。又劉長卿桃花夫人廟詩曰。寂  
寞應千載。桃花想一枝。路人看古木。江月向空祠。  
雲雨飛何處。山川是舊時。獨憐春草色。猶似憶佳  
期。按楚志。桃花夫人卽息夫人也。廟在漢陽縣後  
畧山桃花洞前。

樊姬

樊姬楚莊王夫人王好獵姬數諫不止乃不食禽獸  
之肉二年王感之而勤政事一日王罷朝晏姬問其  
故王曰今旦與賢相語不知日之晏也姬曰賢相爲  
誰王曰爲虞丘子樊姬掩口而笑王問其故曰妾幸  
得執巾櫛以侍王非不欲專貴擅愛也以爲傷王之  
義故所進與妾同位者數人矣今虞丘子爲相十年  
未嘗進一賢知而不進是不忠也不知是不智也安  
得爲賢明日朝王以樊姬之言告虞丘子虞丘子稽

楚○齊○曰○如○樊○姬○之○言○於○是○辭○位○而○進○孫○叔○敖○孫○叔○敖○相○  
楚○莊○王○卒○以○霸○樊○姬○與○力○焉○

張○九○齡○樊○姬○冢○詩○序○曰○郢○州○西○北○有○大○冢○數○十○  
觀○其○封○域○多○是○楚○時○諸○王○而○年○代○久○遠○不○復○可○識○  
唯○直○西○有○樊○姬○冢○因○後○人○爲○植○松○棺○故○行○路○盡○知○  
之○詩○曰○蘋○藻○生○南○澗○蕙○蘭○秀○中○林○嘉○名○有○所○在○芳○  
氣○無○幽○深○楚○子○初○逞○志○樊○姬○嘗○獻○箴○能○令○更○擢○士○  
非○直○罷○從○禽○舊○國○皆○湮○滅○先○生○亦○莫○尋○唯○傳○賢○媛○  
隴○猶○結○後○人○心○牢○落○山○川○意○蕭○疎○松○栢○陰○破○墻○時○

直上荒徑或斜侵。惠問終不絕。風流獨至今。千春思窈窕。黃鳥復哀音。

張說登九里臺是樊姬墓詩曰。楚國所以伯。樊姬有力焉。不懷沈尹祿。誰請叔敖賢。萬化茫無在。孤墳獨巋然。北分陽臺陌。南識郢城阡。漠漠渚宮樹。蒼蒼雲夢田。登高形勝出。訪古令名傳。自我來符守。因君樹蕙荃。詩書將變俗。絺纈忽彌年。志闡三折後。愁值二毛前。佇立帝京路。遙心寄此篇。

北郭先生婦

北郭先生婦者楚莊王使使賫金百斤聘北郭先生先生曰臣有箕箒之使願入計之卽謂婦人曰楚欲以我爲相今日相卽結駟列騎食方丈於前如何婦人曰夫子以織屨爲食食粥免履無怵惕之憂者何哉與物無治也今如結駟列騎所安不過容膝食方丈于前所甘不過一肉以容膝之安一肉之味而殉楚國之憂其可乎於是遂不應聘與婦去之

聖楷曰祝牧謂其妻曰天下有道我韋子佩天下

無○道○我○負○子○戴○北○郭○先○生○與○其○婦○蓋○謀○之○久○矣○借  
箕○箒○之○言○以○却○楚○使○不○過○梳○點○隱○士○家○風○列○禦○寇  
之○妻○拊○心○辭○粟○亦○是○此○意○疑○此○皆○文○人○之○萬○言○也○  
然○世○間○失○行○男○子○多○半○爲○室○家○不○能○安○貧○腳○跟○不  
定○遭○所○驅○迫○故○北○門○之○歎○猶○是○賢○人○東○郭○之○乞○狗  
豕○不○如○矣○可○勝○歎○哉○

伯嬴

伯嬴者楚平王夫人昭王之母也。當昭王時，楚與吳戰于柏莒。吳勝楚，遂入至郢。吳王闔閭盡妻其後宮。次至伯嬴。伯嬴持刀曰：妾聞天子者，天下之表也。公侯者，一國之儀也。天子失制，則天下亂；諸侯失節，則國危。夫婦之道，固人倫之始。王教之端，是以明王之制。男女不親授受，坐不同席，食不同器，殊櫛枷異巾，櫛所以防之也。若諸侯外淫者，絕卿大夫外淫者，放士庶人外淫者。宮制夫然者，以爲仁失，可復以義義。



失可復以禮男女之失亂亡具焉夫造亂亡之端諸  
侯之所絕天子之所誅也今君王棄儀表之行縱亂  
亡之欲犯誅絕之事何以行令訓民且妾聞生而辱  
不若死而榮若使君王棄其儀表則無以臨國妾有  
淫端則無以生世一舉而兩辱妾以死守之不敢承  
命且凡所欲妾者爲樂也近妾而死何樂之有如先  
殺妾又何益于君乎吳王慙遂退伯嚭與其保阿閒  
永巷之門皆不釋兵三旬秦救至昭王乃復  
聖楷曰春秋庚辰吳入郢穀梁傳曰何以謂之吳

也。狄之也。何謂狄之也。君居其君之寢而妻其君之妻。大夫居其大夫之寢而妻其大夫之妻。蓋有欲妻楚王之母者。不正乘敗人之績而深爲利。居人之國。故反其狄道也。嗟乎。伯嬴者。楚太子建所聘之秦女也。當其失身。楚平之日。與衛宣齊。姜同。一隱忍。乃獨能皎皎末路如此。楚國之復豈待秦庭七日之哭哉。吳爲不道。故終併入于楚耳。

貞姜

貞姜楚昭王夫人也。王出遊，將夫人漸臺之上而去。王聞江水大至，使使者迎夫人，急持符。夫人曰：「王與宮人約，召必以符。」使者曰：「今水方大至，還而取符，則恐後矣。」夫人曰：「妾知從使者必生，留必死。然乖約越義而生，不若得而死耳。」於是使者取符，則水大至，臺崩，夫人流而死。王號之曰貞姜。

西涯樂府曰：漸臺水深幾許？使者來，誰遣汝不見？君王待空傳，君王語漸臺水，行宮不可度。姜死猶

守丘君行在何處平生委質身爲君此時重信輕  
妾身君不還妾當死臺高高水瀾瀾

### 漸臺考

聖楷按三輔黃圖云漢漸臺在未央宮太液池中  
高十丈漸浸也言爲池水所漸又一說漸臺星名  
法星以爲臺名今觀江水大至則臺房當是築臺  
于江上耳從漸浸之義爲長

越姬

越姬者楚昭王妃也。王遊附社之臺，望雲夢而樂。諮其二姬曰：「吾與子生同樂，死同歸矣。」蔡姬許諾。越姬不可，曰：「昔先君莊王隱于樂三年，而改之以勤，卒霸天下。妾以君王將法諸而娶婢子，以死其可得死乎？」且君王之取婢子也，未嘗約以死。妾不敢聞命。楚子曰：「善。」而終嬖蔡姬。久之，楚子救陳，病于師。越姬聞之，曰：「昔王娶妾以死，妾非難于死也。」懼，苟死，成君之過也。然心既許之矣。妾聞之信者，不自負其心，遂自殺。

王讓位于三弟而薨三弟曰母信者子必仁乃迎趙姬之子章而立之是爲惠王

聖楷曰文獻通考云唐天寶七載祠烈女一十四人有楚莊樊姬楚昭王女按昭王女書傳未載當是趙姬字訛作女耳又皆置祠富水麗富水今承天府昭王徙都于郢在今宜城縣遠不相涉不知何所據大抵訛傳之事出自朝廷者更多蓋奉行虛文故耳

季羊

季羊，趙昭王妹也。吳兵入郢，趙子取其妹季羊以出，涉睢，濟江，入于雲中，盜攻之。王復奔，即鍾建，負季羊以從。吳師退，昭王復國，將嫁季羊。季羊辭曰：「所以爲女子，遠丈夫也。」鍾建負我矣。王乃以鍾建爲樂尹，妻之。

聖哲曰：權非女子所能用也。況以之全節乎？且權以死節易權，以保身難若季羊者，其志潔而不可汙，其辭婉而不可奪，真能處亂而行權矣。五代時

有王凝妻李氏其夫率于官家索貨一子尚幼李氏携其子負其遺骸以歸東過關封止旅舍旅舍至人見其婦人獨携一子疑之不許其宿李氏顧天已暮不肯去至人牽其臂而出之李氏仰天長慟曰我爲婦人不能守節而此手爲人執耶不可  
以一手并汙吾身卽引斧自斷其臂嗟乎李氏之臂可斷卽知季辛之身不可再負矣



老萊子妻

老萊子妻者。老萊子逃世耕於蒙山之陽。楚王駕先其門。當萊子織畚而言曰。守國之孤。願見先生。萊子曰。諾。其妻曰。妾聞之。可食以酒肉者。可隨以鞭捶。可授以官祿者。可隨以鈇鉞。今先生食人酒肉。受人官祿。爲人所制也。能免於患乎。妾不能爲人所制。投其畚萊而去。萊子從之。至於江南而止。曰。鳥獸解毛。可績而衣。其遺粒足食也。

聖楷曰。老萊子著書。接輿狂歌。皆有心用世人也。

至事不可爲時不可出亦浩然長往耳豈真聽命  
于婦人哉然非此二婦不足以成其高又列女傳  
云老萊子孝養二親行年七十作嬰兒自娛著五  
采編爛衣嘗取漿上堂跌仆因臥地爲兒啼或弄  
雛鳥於親側今以其年計之隱蒙山時二親已歿  
老萊夫婦近八九十歲矣猶唱隨依媚若此豈太  
史公所謂修道而養壽者然耶

接輿妻

接輿妻者楚狂接輿之妻也。接輿躬耕以爲食。楚王使使者持金百鎰車二駟往聘迎之。曰：「王願請先生治淮南。」接輿笑而不應。使者遂不得與語而去。妻從市來曰：「先生以高爲義，豈將老而遺之哉？」門外車跡何其深也。接輿曰：「王不知吾不肖也。」欲使我治淮南，遣使者持金駟來聘，曰：「曾許之乎？」接輿曰：「富貴人所欲也，子何惡我許之矣？」妻曰：「義士非禮不動，不爲貧而易操，不爲賤而改行。妾事先生躬耕以爲食，親績。」

以爲衣食飽煖據義而動其樂亦自足矣若受人  
重祿乘人堅良食人肥鮮而將何以待之接輿曰否  
不許也妻曰君使不從非忠也從之又違非義也不  
如去之遂變易姓名而去莫知所之

左貴嬪笏讚曰接輿高潔懷道行謠妻亦冰清同  
味玄昭遺俗榮津志遠神遼周子聖楷亦贊之  
曰接輿夫婦一狂一狷其樂只且何貴何賤楚國  
雖大禍重福輕笑而不答携手同行

白貞姬

白貞姬者，楚白勝之妻也。白公早死，其妻紡績不嫁。吳王聞其美，使大夫操金百鎰，白璧一雙，以聘焉。因以輜輶三十乘迎之，將以爲夫人。辭曰：「白公無恙時，妾幸得充後宮，執箕箒。今白公不幸而死，妾願守其墳墓，以終天年。今王賜金璧之聘，夫人之位，非愚妾之所聞也。且夫棄義從欲者，汙也。見利忘死者，貪也。貪汙之人，王何以爲哉？」吳王賢其守節而有義，號曰楚貞姬。

聖楷曰太史遷云白公如不自立爲君者其功諱  
亦不可勝道爲其均復父讐也若貞姬守義不嫁  
而語氣凜然殆有王孫礪劍之風乎

子發母

子發母者楚將子發攻秦絕糧使人請于王因歸問其母母問使者曰士卒得無恙乎對曰士卒併分救粒而食之又問將軍得無恙乎對曰將軍朝夕芻黍黍梁子發破秦而歸其母閉門不納使人數之曰子不聞越王勾踐之伐吳客有獻烹酒一罍王使人注江之上流使士卒飲其下流味不及加美而士卒戰自丑也一日有獻一囊糗糒者王又以賜軍士分之甘不踰嗑而戰自十也今子爲將士卒併分救粒而

食之。子獨朝夕芻豢梁黍。何也。夫使人入於苑地而  
自康樂於其上。雖得勝。非所貴也。子非吾子也。無入  
吾門。子發謝其母。請罪良久。然後赦之。納以入門。  
聖楷曰。子發母與趙括之母同一明哲。然括母能  
料其敗。而子發之母勝。非所貴。其慮尤遠。戰國時  
如趙威后。齊君王后。皆具有過人膽識。豈妾婦二  
字未易許儀秦輩也。



女嬃

女嬃屈原姊也。屈原作離騷。述其言曰。女嬃之嬋媛兮。申申其詈予。曰。鮌婞直以亾身兮。終然殀乎羽之野。汝何博謔而好修兮。紛獨有此娉節。賡荼施以盈室兮。判獨離而不服。

袁崧曰。屈原有賢姊。聞原放逐。亦來歸。諭令自寬。鄉人冀其見從。因名其鄉曰姊。勉其地有女嬃廟。擣衣石猶存。

聖楷曰。屈原放逐。本非得已。女嬃戒之以鮌。欲其

楚寶

八

卷二十九

十七

保身事君自是骨肉至情豈有他意且原滿肚不  
平乍歌乍泣入耳皆成拂亂亦非真怨其姊之不  
察而詈予也說騷者謂女嬃罵原以不與衆合不  
承君意何異癡人說夢

王昭君

昭君字嬙，南羆姊。隨人。初元帝時，以良家子選入掖庭。時呼韓邪來朝，帝敕以宮女五人賜之。昭君入宮數歲，不得見御，積悲怨。乃請掖庭令求行，呼韓邪臨辭大會。帝召五女以示之。昭君豐容靚飾，光明漢宮。顧景裴回，竦動左右。帝見大驚，意欲留之，而難于失信。遂與匈奴生二子。及呼韓邪死，其前閼氏子代立，欲妻之。昭君上書辭歸，成帝勅令從胡俗，遂復爲後單于閼氏焉。

前漢匈奴傳曰竟寧元年呼韓邪單于來朝自言  
願偕漢氏以自親元帝以後宮良家子王嬃字昭  
君賜單于號寧胡閼氏生一男呼韓邪死後單于  
復株紫復妻王昭君生二女至平帝時王莽秉政  
欲說太后以威德至盛異于前乃風單于遣王昭  
君女須卜居次云入侍太后賞賜之甚厚  
王昭君怨詩曰秋木萋萋其葉萎黃有鳥處山  
于○苞○桑○養○青○毛○羽○形○容○生○光○既○得○升○雲○上○遊○曲○房○  
離宮絕曠身體摧殘志念抑沈不得頡頏雖得委

食○心○有○徇○徨○我○獨○伊○何○來○往○變○常○翩○翩○之○鴛○遠○集○  
西○羌○高○山○我○我○河○水○泱○泱○又○兮○毋○兮○道○里○悠○長○嗚○  
呼○哀○哉○憂○心○惻○傷○

西京雜記曰元帝後宮旣多不得嘗見乃使畫工  
圖形案圖召幸之諸宮人皆賂畫工多者十萬少  
者亦不減五萬獨王嬙不肯遂不得見匈奴入朝  
求美人爲關氏於是上案圖以昭君行及去召見  
貌爲後宮第一善應對舉止閒雅帝悔之而名籍  
已定帝重信于外國故不復更人乃窮案其事畫

工皆棄市。畫工有杜陵毛延壽，爲人形醜，好老少，必得其真。安陵陳敞、新豐劉白、龔寬並工爲狗馬、展勢、人形，不逮延壽。下杜陽望、樊育尤善布色。同日棄市。京師畫工於是差稀。

石崇王明君詞叙曰：王明君者，本是王昭君，以觸文帝諱，改之。匈奴盛請婚于漢，元帝以後宮良家子昭君配焉。昔公主嫁烏孫，令琵琶馬上作樂，以慰其道路之思。其送明君亦爾也。其造新曲，多哀怨之聲，故叙之于紙云爾。按今畫昭君作自抱。

琵琶者亦非

聖楷曰昭君事前後漢書載之甚詳琴操乃云昭君有子曰世遠立爲單于欲妻其母昭君昭君不從乃吞藥自殺不知琴操從何得此悖妄之說按漢書昭君子名伊耆智牙師爲右日逐王未嘗繼爲單于且胡俗妻異母耳安有昭君本生之子復妻昭君之事琴操原係僞書固不足責獨怪古今文士大部史書置之不信而承譌小說豈亦坐其腹中踈漏乎

昭君村考

杜甫詠懷古跡詩曰。羣山萬壑赴荆門。生長明妃  
尚有村。一去紫臺連朔漠。獨留青塚向黃昏。畫圖  
省識春風面。環珮空隨月夜魂。千載琵琶作胡語。  
分明怨恨曲中論。按一統志。昭君村在荊州府  
歸州東北四十里。蘇試亦有昭君村詩云。昭君本  
楚人。艷色照江水。是也。張泌枕樓記曰。明妃姊嬪  
人臨水而居。恒於溪中盥水。溪水多香。今名香溪。  
昭君墓考



歸州圖經曰。昭君死。葬胡中。地多白草。惟昭君塚。  
上獨青。故名青塚。按一統志。昭君墓在大同府。  
古豐州西六十里。其地爲黠虜僦牧之所。聖楷嘗  
有艷聲古意詞。其一王昭君云。士求知己女。求容  
顧影裴徊別漢宮。青草自留春。作塚紅顏未必盡。  
能工恨深。妾命從來薄。感到君恩異域同。但使單  
于長繫闕。不煩公主更和我。頗得詩人之意。

李衡妻

李衡妻字英習襄陽人初衡爲吳丹陽太守時孫休  
在羈治衡數以法繩之妻習氏每諫衡衡不從會休  
立衡憂懼謂妻曰不用卿言以至於此遂欲奔魏妻  
曰不可君本庶民耳先帝相援過重旣數作無禮而  
復自猜嫌逃叛求活以此北歸何而見中國人乎衡  
曰計無所出妻曰瑯琊王素好善慕名方欲自顯于  
天下終不以私嫌殺君明矣可自囚詣獄表列前失  
顯求受罪如此乃當逆見優饒非但直活而已衡從

之果得無患。又加威遠將軍。授以棨戟。衡每欲治家。妻輒不聽。後密遣客十人于武陵龍陽汎洲上作宅。種柑橘千株。臨死勅兒曰。汝厚惡我治家。故窮如是。然吾州里有千頭木奴。不責汝衣食。歲上一匹絹。亦可用耳。衡亡後二十餘日。兒以白母。母曰。此當是種柑橘也。汝家失十戶客。來七八年。必汝父遺爲宅。汝父恒稱大史公言。江陵千樹橘。當封君家。吾答曰。且人患無德義。不患不富。若貴而能貧。方好耳。用此何爲。吳末衡柑橘成。歲得絹數千匹。家道殷足。晉咸

康中其宅上枯樹猶在

史懷曰李衡以卒家子繇才能爲丹陽太守以法  
繩孫休妻習氏諫不聽休立衡欲奔魏妻勸衡自  
囚表列前失此藺相如所以教繆賢也識何減許  
允婦乎衡果得免衡每欲治家妻輒不聽若衡妻  
者亦可謂處亂世工於自全者矣

橘洲考

按李衡種柑橘處在龍陽縣西五十里其洲長二  
十里謂之汜洲亦謂之柑洲非長沙橘洲也長沙

橘洲、在長沙縣西四十里上多美橘或曰卽今興  
馬洲也馬殷王長沙時改名

尹虞二女

尹虞二女，長沙人也。虞前任始興太守，起兵討杜弢，戰敗。二女爲弢所獲，金有國色。弢將妻之，女曰：「我父二千石，終不能爲賊婦，有死而已。」弢金害之。

璽楷曰：杜弢初爲長沙醴陵令，因巴蜀流入之亂，遂自稱湘州刺史，攻破醴縣。是時始興太守乃嚴佐也，亦率衆攻弢，爲弢所敗。故史稱尹虞前任始興，起兵討弢者，當是與長沙太守崔敷等同倡義被害耳。然其事非二女之貞烈，亦竟不傳矣。嗟乎！

晉末閨帷罕。林風簡。虧閑爽。操相趨。成俗。三月歌。  
胡惟見爭新之。稀一朝辭。漢曾微戀舊之情。勿誦。  
此語爲之慚憤。安得若華之王書。此二女醜食湘。  
靈。

丁貴嬪

丁貴嬪諱令光其初譙國人祖父從官襄陽因居沔北五女村寓于劉憲明廢下貴嬪生于樊城初生有神光之異紫氣滿室故以光爲名相者云當大貴少時與鄰女月下紡績諸女並患蚊蚋貴嬪弗之覺也鄉人魏益德將聘之未及成而武帝鎮樊城嘗登樓以望見漢濱五采如龍下有女子壁統則貴嬪也又丁氏因人以相者言聞之于帝帝贈以金環納之時年十四貴嬪生而有赤痣在左臂瘵之不滅又體多



疣子至。是無何。並失所在。德后酷忌。遇貴嬪輒道使。  
日春五斛。春每中程。若有助者。被遇雖嚴。益小心。祇。  
敬。嘗于供養經案側。髮髻若見神人。心獨異之。天監。  
元年。有司奏爲貴人。居顯陽殿。貴嬪性仁恕。及居宮。  
接馭。自下皆得其歡心。不好華侈。器服無珍麗。未嘗。  
爲親戚私謁。及武帝弘佛教。貴嬪長進。疏膳受戒。日。  
甘露降于殿前。方一丈五尺。帝所立義。皆得其旨。題。  
尤精淨名經。普通七年薨。謚曰穆。年四十二。簡文卽。  
位。追崇曰穆太后。

聖楷按南史貴嬪所事德后卽郝氏夫人也生有  
赤光炤室器物盡明家人怪之后幼明慧善隸書  
讀史傳女工無不閑習武帝聘之生三女長玉姚  
次玉婉次玉環武帝爲雍州刺史殂于襄陽官舍  
年三十二性酷妬忌及終化爲龍入于後宮通夢  
于帝或見形光彩炤灼帝體將不安龍輒激水騰  
涌于露井上爲殿衣服委積皆置銀轆盧金甌灌  
百味以祀之故帝卒不置后今梁皇懺法傳所載  
不同然亦不可謂無所本也

文選樓考

襄河記稱襄陽城內刺史宅有高齋梁昭明太子  
於此齋造文選故襄陽有文選樓按丁貴嬪生三  
男長昭明太子統次太宗簡文帝綱次廬陵威王  
續昭明以齊中興元年九月生于襄陽梁書云武  
帝義師起昭明太子始誕育因晉貴嬪與昭明在  
州城京邑奉乃還京師卽立爲太子何嘗出督襄  
陽今襄陽文選樓或本其所生之地以爲樓則可  
若文選乃東宮所編次於襄陽無關也

衛敬瑜妻

衛敬瑜妻王氏襄陽霸城王整之姊也年十六而敬瑜亡父母舅姑咸欲嫁之誓而不許乃截耳置盤中爲誓乃止手爲亡壻種樹數百株墓前栢樹忽成連理一年許還復分散女作詩曰墓前一株栢根連復並枝妾心能感木類城何足奇所住戶有燕窩常雙飛來去一日雄燕爲鷲鳥所傷女感其雌偏栖乃以縷繫足曰新春復來爲吾侶也易歲燕果復來猶帶前縷女復作詩曰昔年無偶去今春猶獨歸故人恩

既重不忍復變飛凡六七年王氏病卒明年燕來周  
章哀鳴衆人語曰王氏死矣墳在南郭燕遂至墳所  
亦死每風清月明人見王氏與燕同遊漢水之濱雍  
州刺史西昌侯藻嘉其美節乃起樓于門題曰貞義  
衛婦之閭又表于臺

聖楷曰女奇燕更奇始知一切興生從本以來展  
轉因緣常爲六親非虛語也由此推之蛇蝎豺狼  
亦是好人第無節烈如玉京以感動之耳玉小字  
玉京見燕女墳記但又作媚媚女不知何據

木蘭

木蘭姓朱氏楚黃民家女也代父戍邊十二年人不知其爲女子旣歸人爲賦詩云促織復唧唧木蘭當戶織不聞機杼聲唯聞女歎息問女何所思問女何所憶女亦無所思女亦無所憶昨夜見軍帖可汗大點兵軍書十二卷卷卷有耶名阿耶無大兒於蘭無長兄願爲市鞍馬從此替耶征東市買駿馬西市買鞍韉南市買轡頭北市買馬鞭旦辭耶娘去暮宿黃河邊不聞耶娘聲喚女但聞黃河流水聲溅溅旦辭

黃河去。暮宿黑山頭。不聞耶娘喚女聲。但聞燕山胡  
騎聲。啾啾。萬里赴戎機。關山度若飛。朔氣傳金柝。寒  
光照鐵衣。將軍百戰死。壯士十年歸。歸來面天子。天  
子坐明堂。策勲十二轉。賞賜百千強。可汗問所欲。木  
蘭不用尙書郎。願借明驄千里足。送兒還故鄉。耶娘  
聞女來。出郭扶相將。阿妹聞姨來。當戶理紅粧。小弟  
聞姐來。磨刀霍霍向豬羊。開我東閣門。坐我西間牀。  
脫我戰時袍。著我舊時裳。當窓理雲鬢。挂鏡帖花黃。  
出門看火伴。火伴皆驚忙。同行十二年。不知木蘭是

女○郎○雄○兔○脚○僕○走○雌○兔○眼○迷○離○雙○兔○傍○地○走○安○能○辨○  
我○是○雄○雌○

程○泰○之○演○繁○露○曰○樂○府○有○木○蘭○乃○女○子○代○父○征○戍○  
十○年○而○歸○不○受○爵○賞○人○爲○作○詩○然○不○著○何○代○人○獨○  
詩○中○有○可○汗○大○典○兵○語○知○其○生○世○非○隋○卽○唐○也○女○  
子○能○爲○許○事○其○義○且○武○在○提○縈○上○或○者○疑○爲○雷○言○  
然○白○樂○天○題○木○蘭○花○云○惟○得○獨○饒○脂○粉○態○木○蘭○曾○  
作○女○郎○來○又○杜○牧○有○題○木○蘭○廟○詩○云○彎○弓○征○戰○作○  
男○兒○夢○裏○曾○經○與○畫○眉○幾○度○思○歸○遂○把○酒○拂○雲○唯○



上親明妃既有廟貌又曾作女郎則誠有其人矣亦異哉

晉書曰札歸本蘭乃朱氏女子代父從征楚黃陂人今黃州黃安縣卽隋本蘭縣有本蘭山在黃陂縣北七十里上有將軍塚忠烈廟焉是以補樂府解題之缺也

聖楷按馮元成大器有本蘭將軍贊又云蘭西漢時人從征十八年帝聞其事詔納宮中蘭不從乃自經苑帝驚憫贈將軍謚孝烈未知孰是

瑞卿

瑞卿者，長沙歌伎也。衡山歐陽彬，好學工詞賦。馮氏之有湖南也，彬見擯于樊，知客因而落魄街市。瑞卿慕其才，遂延于家。瑞卿能歌，每歲武穆王生辰，必歛于筵上。時湖南自舊管七耜外，加武陵岳陽是九州。彬乃作九州歌，以授瑞卿，使歌之。實欲感動武穆，旣而竟不問彬歎曰：「天下分裂之際，斯徒負養，豈能自奮我何資而至此耶？」彬無何聞西蜀陶綱將發，彬遂謀入蜀。私謂瑞卿曰：「吾以干謁不遂，居於汝家，未嘗

有倦色。今以功名棄汝去矣。瑞卿曰：君子妾不可謂無情。一旦不以妾自滯，割愛而去，妾誠異之家。財雖不豐，願分其半以資路途。彬因以瑞卿所贈盡賂網吏，求爲駕船僕夫。綱吏許之。既至蜀，遂獻獨鯉朝天賦。蜀主大悅，擢居清要，領夔州。時武穆已薨，其子希範繼立，因致書于希範，叙疇昔入蜀之由，并報瑞卿迎皆老焉。

聖楷接歐陽彬字齊美，博學能文，嘗携所著詣馬殷府求見。掌客吏樊氏索賄，彬恥之不與。樊怒，擲

名紙于地彬退而爲詩曰無錢將乞樊知客名紙  
生毛不爲通因謀入蜀旣至蜀至大悅擢居清要  
尋以爲嘉州刺史彬喜曰青山綠水中爲二十石  
作詩飲酒爲風月至人豈不誠嘉仕至左丞卒彬  
亦善小詞然不得瑞卿以憐其才則亦終湮沒焉  
耳故附見焉是時長沙妓女如小東以能詩得幸  
於馬氏後國入爲羈窮于京師里而人絕不知言  
及長沙宮中事必南望泣涕而後言又十國紀事  
曰楚馬希範少愛倡妓徐降真及嗣立號兩堂夫

楚寶

六

卷二十九

四

人嗟乎天策府學士食祿擔爵非不貴艷一時若  
以二女子視之寧無愧巾幗耶

義娼

義娼者長沙人善謳尤喜秦少游樂府少游坐鉤黨南遷道長沙訪焉坐語間顧見几上文目曰秦學士詞因取閱皆已平日所作少游竊怪之故問曰秦學士何人若何自得其詞娼具道所以少游曰若嘗遇秦學士乎曰秦學士京師貴人也焉得至此使得見雖爲之妾御死亦何恨少游察其語因謂曰若欲見秦學士卽我是也以朝命貶黜來此娼大驚喜入謂母娼有頃娼出設位坐少游于堂娼立階下北面拜

且張筵止少游宿酒一行輒歌少游詞一闕以侑之少游感其意留數日將別媚曰妾不肖之身幸侍左右今學士以王命不可久留又不敢從行恐以爲累唯誓潔身以報別數年少游竟死于藤州一日晝寢驚泣曰吾適夢與秦學士別學士其殆乎亟遣僕覘之果然媚聞報遂褰經以赴行數百里遇于旅館拊棺一慟而絕後人悲而弔之謚曰義媚

聖楷曰夷堅已志載潭州義倡事云常州教授鍾將之得其說于李結次山爲作傳按秦將赴杭倅

時有妾邊朝華旣而以妨其學道割愛去之未幾  
罹黨禍豈復眷戀一倡女哉且如國史所書溫益  
知潭州當紹聖中逐臣在其廵內若范忠宣輩皆  
爲所侵侮鄒公南遷過潭幕投宿村寺益卽時遣  
州都監將鼓卒夜出城逼使登舟竟凌風絕江去  
幾於覆舟以是觀之豈肯容少游款昵累曰此或  
文人好爲傳奇而姑借是以發其牢騷耶然而義  
媚已不朽矣



韓希孟

韓氏女字希孟，岳州巴陵人。韓魏公琦五世孫也。嫁爲襄陽賈尚書子璠妻。少明慧，知讀書，善文章。宋開慶初，元兵至岳陽。女年十有八，爲卒所掠，將挾以獻。其主帥女知必不免，乘間赴水死。越三日，有得其屍於練裙帶，題五言長句曰：宋未有天下，堅正臣禮乘。開國百戰功，無陣惟雄整。及侍周幼主，臣心嘗炯炯。帝曰：卿北伐，山戎今有警，死狗莫擊尾。此行當繫頸。卽日辭陞行，盡敵心，欲還陳橋，忽兵變，不得守其穎。

禪讓法堯舜民物頗安靜有國三百年仁義道馳騁  
未改祖宗法天胡肆大青細思天地理中有幸不幸  
天果喪中原大似裂冠衽君誠不獨活臣實無魏丙  
失人焉得人垂戒嘗耿耿江南饗謝安塞北有王猛  
所以戎馬來飛渡巴陵竟大江限南北今此一舴艋  
本期固封疆誰謂如畫餅烈火燎崑岡不辨金玉礦  
妾本良家子性僻守孤梗嫁與尚書兒衙署紫蘭省  
直以才德合不棄宿痼癭初結合歡帶誓比日月  
鴛鴦會雙飛比目原嘗金豈其金石堅化作桑榆景

旄頭勢正然。蚩尤氣先屏。不意風馬牛。復及此燕鄆。  
一方遭劫虜。六族宛俄頃。退鵠落迅風。孤鸞吊空影。  
簪堅折白玉。瓶沉斷青綆。一死空冥冥。憂心長炳炳。  
委堅志不移。改邑不改井。我本瑚璉器。安肯作溺皿。  
志節匪轉石。氣噎如吞鯁。不作爚火然。願爲死灰冷。  
貪生念麴蛾。乞憐羞虎甯。借此清江水。葬我全首領。  
皇天如有知。定作血面請。願魂化精衛。填海使成嶺。  
此詩士大夫多稱道之。死後三十餘年。其英爽不昧。  
復能托夢趙魏公。孟頫爲書其詩云。

兩山墨談曰韓氏希孟嫁爲賈尚書子璵婦元兵  
破岳州韓被虜以衣帛書一詩自投于江而死長  
興州判官沈思安嘗托劉元履者丐趙松雪爲書  
其詩元履諾而未言一夕夢一婦人云趣爲我求  
書庶因大人君子之筆發摠幽憤松雪聞而異之  
乃爲之寫一通歸於沈

聖楷按華客孫空撰賈烈婦祠碑云烈婦死宋距  
今已三百餘歲卒無秩祀之者憲皇帝時岳州  
守李公某始請附祀孝烈靈妃廟廟故並祀孝感

侯孝感侯者霽妃弟也類役褻弗稱至嘉靖戊子  
吉水蕭公某來守岳乃就洞庭之濱岳武穆廟右  
建祠專祀并石其詩祠中

附霽妃廟考

按秦武陵令羅君用因督鐵運溺死洞庭其女挈  
弟尋父尸不獲俱投水死邦人哀而祀之霽響浸  
著宋元豐間封其女爲孝烈霽妃弟爲孝感侯廟  
在巴陵縣南津港

徐君寶妻

徐君寶，婺州人。其妻某氏，同韓希孟爲元兵所掠，來杭，居韓廝王府。自岳至杭，相從數千里。其主者數欲犯之，而終以巧計脫。蓋某氏有令姿，主者弗忍殺之也。一旦，主者怒甚，將卽強焉。因告曰：「俟妾登謝先夫。」然後爲君婦，未遲也。君奚怒爲？主者喜諾，乃焚香再拜，默祝南向，飲泣題滿庭芳詞一闕于壁上。書畢，投大池中，以死。詞曰：「漢上繁華，江南人物，尙遺宣政風流。綠窓朱戶，十里爛銀鈎。一旦刀兵齊舉，旌旗擁百。」

萬○義○貅○長○驅○入○歌○樓○舞○榭○風○捲○落○花○愁○清○平○三○百○載○  
典○章○文○物○掃○地○俱○休○幸○此○身○未○北○猶○客○南○州○破○鑑○徐○  
郎○何○在○空○惆○悵○相○見○無○繇○從○今○後○斷○魂○千○里○夜○夜○岳○  
陽○樓○

聖○稽○曰○徐○君○寶○妻○與○韓○希○孟○同○被○元○兵○詞○章○悽○婉○  
從○容○就○死○其○志○調○又○同○今○岳○州○有○賈○烈○婦○祠○而○不○  
及○于○徐○故○是○闕○典○嗟○乎○蔡○琰○工○詞○厥○身○淪○虞○易○安○  
博○識○卒○二○所○歸○以○視○君○寶○之○妻○何○如○哉○此○一○辦○香○  
當○爲○拈○出○

趙淮妾

趙淮妾，長沙人也。逸其姓名。宋德祐中，從淮戍銀櫓。填淮兵敗，俱執至瓜州。元帥阿朮使淮招李庭芝。淮佯諾，至揚城下，乃大呼曰：「李庭芝男子死耳，毋降也。」元帥怒，殺之，棄其尸江濱。妾俘一軍校，帳中乃解衣中金，遺其左右，且告之曰：「妾夙事趙運使，今其死，不葬。妾誠不能忘情，願因公言，使掩埋之，當終身事相公，無憾矣。」軍校憐其言，使數兵輿之江岸。妾聚薪焚淮骨，置瓦缶中，自抱持，操小舟至急流，仰天慟哭，躍。



水而死

元全愚將正子山房隨筆曰趙靜齋淮被執于漂陽豐登莊至北府薛家廟云祖公有功王室德澤沾及子孫今淮計窮被執誓以一死報君刀鋸置之不問萬折忠義嘗存急告先靈速引庶幾不辱家門卽登棹船發至瓜洲被刑經有政理其屍者有一寵姬在焦僉省處此姬啟僉省云趙四知府今日已死矣妾元是他娘子望相公以妾之故許妾將屍焚化也是相公一段陰騭事焦許之乃作

一棺焚之。又啓收骨撒之于水。亦從之。遂以裙盛骨殖。到江邊。大慟投江而死。又聞其孫享祭。靜齋降筆云。生居四代將門家。不幸遭逢被虜。繫死在瓜洲。無葬地。幽魂夜夜到長沙。其兄冰壺潛自京口。遷金陵。北兵至。棄家而遁。南徙不返。塋海旁山上。

聖楷曰。趙淮妾初錄之。元史及讀蔣正子隨筆所記。又與史大異。然其妾之死。于兵刃倉卒之中。出全節殉身之智。俱有義夫志士所不能及者。潭之

卷一

士女亦何多俠烈哉

曹氏

于同祖妻曹氏茶陵人父德夫教授湖湘間同祖在  
諸生中因以女妻焉至正二十年茶陵陷曹氏聞婦  
女多被驅逐謂其夫及子曰是尚可全生乎我義不  
辱身以累汝也顧舅年老汝等善事之遂自剄死妾  
李氏驚抱持之不得亦引刀自剄絕而後蘇曰得從  
小君地下足矣是夕死

聖楷曰元史稱元受命百餘年女婦之能以行聞  
于朝者多矣其間有不忍夫死感慨自殺以從之

者○若○曹○氏○義○不○辱○身○死○不○累○夫○尤○爲○皎○皎○者○哉○然○  
妾○李○氏○從○小○君○於○地○下○又○何○其○微○烈○也○常○死○生○而○  
易○節○豈○樛○木○之○所○能○仁○抑○亦○琨○玉○秋○霜○有○並○質○焉○  
耳○

趙孝婦

趙孝婦德安應城人。早寡。事姑孝。家貧。傭織於人。得美食。必持餽奉姑。自啖麤糲。不厭。嘗念姑老。一旦有不諱。無繇得棺。乃以次子鬻。富家得錢百緡。買杉治之。棺成。置于家。南隣失火。時南風烈甚。火勢及孝婦家。孝婦亟扶姑出避。而棺重不可移。乃撫膺大哭。曰。吾爲姑賣兒。得棺。無能爲我救之者。苦將奈何。言畢。風轉而北。孝婦家得不焚。人以爲孝感所致。聖楷曰。趙孝婦之能反風滅火者。其精誠全在平。

昔○備○織○奉○姑○鬻○兒○治○棺○絕○無○求○善○於○婦○之○外○有○以○  
格○鬼○神○而○動○天○地○也○如○必○爲○善○護○報○責○參○一○時○古○  
有○忠○孝○呼○天○天○若○罔○聞○者○矣○悠○悠○之○口○其○何○能○自○  
信○哉○故○曰○孝○者○民○之○行○也○

楚寶方伎論次

藝之至者陰陽而已矣惟聖人與陰陽通故能造其  
至而不泥其教發其端而不竟其說蓋惡夫藝成而  
下犯陰陽之患而鮮精神之潔者歟今之卜筮醫巫  
天官音律相夢諸書後世所傳皆其淺淺者耳然一  
遇通人輒多玄妙况復弘道以濟時隱身以利物非  
徒用廣異聞將以明乎勸戒由此觀之雖藝亦道也  
述方伎第十八凡一卷

方伎一



司馬季主

蔡倫

庾季才

庾質

浮屠泓

俞史

沙門洪蘊

僧智緣

龐安時

張康

萬玉山

楚寶方伎論次終